















## চন্ডিগড়ে অনূর্ধ্ব-১৯ জাতীয় টি-২০ মহিলা ক্রিকেটে ত্রিপুরা ঝাড়খণ্ড ম্যাচ আজ

ক্রীড়া প্রতিনিধি, আগরতলা। প্রস্তুতি চূড়ান্ত। প্রথম ম্যাচেই জয়ের লক্ষ্যে মরিয়া ত্রিপুরার মেয়েরা। চন্ডিগড়ে অনূর্ধ্ব ১৯ জাতীয় মহিলা টি-২০ ম্যাচের বিরুদ্ধে খেলবে। উল্লেখ্য, চন্ডিগড়ের জাতীয় আসরে নামার আগে জয়পুরে কয়েকটি প্রস্তুতি ম্যাচের পর অনূর্ধ্ব ১৯

মহিলা ক্রিকেট ত্রিপুরা দল ঘোষণা করা হয়েছে। ১৫ সদস্য বিশিষ্ট চূড়ান্ত দলের নেতৃত্বে অস্মিতা দাস ডেপুটি ক্যাপ্টেন। অস্মিতা দেবনাথ ১৫ সদস্য বিশিষ্ট চূড়ান্ত দল জয়পুর থেকে শনিবারেই সাপোর্ট পাসেনিয়ারদের সঙ্গে চন্ডিগড়ে পৌঁছেছে। বিসিসিআই আয়োজিত অনূর্ধ্ব ১৯ জাতীয় মহিলা

ক্রিকেটের খেলা ১ থেকে ৮ অক্টোবর চন্ডিগড়ে অনুষ্ঠিত হচ্ছে। ১৫ সদস্য বিশিষ্ট রাজ্য দলটি হলো : অস্মিতা দাস (ক্যাপ্টেন), অস্মিতা দেবনাথ (ভাইস ক্যাপ্টেন), অভিধা বর্মন, দেবপ্রীতা চৌধুরী, গিয়া মন্ডল, সায়ন্তিকা নমঃ দাস (উইকেট কীপার), পূজা তপন দাস, ভূমিকা নায়েক, পারমিতা চক্রবর্তী, প্রিয়া সরকার,

মধুমিতা সরকার, তানিয়া দেব, মৌমিতা সাহা (উইকেট কীপার), রিফু দেববর্মা, অন্তরানী নোয়াতিয়া। সাপোর্ট পাসেনিয়ার হিসেবে রয়েছেন ম্যানেজার অলিভিয়া সিনহা, অবজার্ভার পিকলু রায়, লজিস্টিক ম্যানেজার অমিত বণিক, কোচ শ্রাবণী দেবনাথ, অনুপ কুমার দাস, পীযুষ দেব।

ফিজিও মিষ্টি দেব, ট্রেইনার সুখেন্দু দে। বলা বাহুল্য, ত্রিপুরা দলের বিরুদ্ধে ৪ অক্টোবর তৃতীয় ম্যাচ অরুণাচল প্রদেশের সঙ্গে। ছয় অক্টোবর চতুর্থ ম্যাচে ত্রিপুরা খেলবে রাজস্থানের বিরুদ্ধে। গ্রুপ লীগের শেষ ম্যাচ ৮ অক্টোবর ত্রিপুরা, উত্তর প্রদেশ পরস্পরের মুখোমুখি হবে।

## সুপার লিগের দুটি ভাইটাল ম্যাচে আজ লালবাহাদুর- এগিয়ে চল, ব্লাডমাউথ-রামকৃষ্ণ

ক্রীড়া প্রতিনিধি, আগরতলা। পুনরায় ম্যাচ ড্র করা কিছুতেই চলবে না। যেমন এগিয়ে চল সংঘের পক্ষে, তেমনি ব্লাড মাউথ শিবিরেও। একই গুঞ্জন দুই ক্লাবের সমর্থকদের মধ্যেও। এদিকে লাল বাহাদুর ব্যায়ামাগার প্রচণ্ড সচেতন জয়ের ধারা অব্যাহত রেখে সাফল্যের সিঁড়িতে নিশ্চিত পা রাখার বিষয়ে। সুপার লিগের প্রথম ম্যাচ এগিয়ে চল সংঘ বনাম ব্লাড মাউথের খেলা ড্র-তে নিষ্পত্তি হওয়ার পর, দ্বিতীয় ম্যাচে লাল বাহাদুর ৪-৩ গোলে রামকৃষ্ণ ক্লাবকে হারানোর মধ্য দিয়ে

চ্যাম্পিয়নের লক্ষ্যে লাল বাহাদুর ইতোমধ্যে এক ধাপ এগিয়ে রয়েছে। আগামীকাল তারাও ভালো খেলার পাশাপাশি জয়ের লক্ষ্যে মরিয়া। ত্রিপুরা ফুটবল এসোসিয়েশন পরিচালিত শ্যামসুন্দর কোং জুয়েলার্স চম্প মেরিয়ার প্রথম ডিভিশন ফুটবল আসরে আগামীকাল সুপার লিগের দ্বিতীয় দিনে বিকেল ৩ সন্ধ্যায় দুটি ম্যাচ অনুষ্ঠিত হচ্ছে। উমাকান্ত মিনি স্টেডিয়ামে বিকেল সাড়ে তিনটায় লালবাহাদুর ব্যায়ামাগার খেলবে এগিয়ে চল

সংঘের বিরুদ্ধে। সন্ধ্যা সোয়ায় ছয়টায় দিনের দ্বিতীয় ম্যাচে ব্লাড মাউথ ক্লাব ও রামকৃষ্ণ ক্লাব পরস্পরের মুখোমুখি হবে। একটু বলে রাখা প্রয়োজন, লীগ পর্যায়ে খেলায় লাল বাহাদুর ব্যায়ামাগারের কাছেই এগিয়ে চলে সংঘ ০-২ গোলে একমাত্র পরাজয়ের স্বাদ পেয়েছিল। অপরদিকে লীগ পর্যায়ে খেলায় ব্লাড মাউথ রামকৃষ্ণ ক্লাবের ম্যাচ কিন্তু দুই গলে ড্র-তে নিষ্পত্তি হয়েছিল। আগামীকাল কোনম্যাচে কি ফলাফল হয়, সেটাই এখন দেখার বিষয়।

## ইংলিশ প্রিমিয়ার লিগ : ম্যানচেস্টার ইউনাইটেডকে উড়িয়ে দিল টটেনহ্যাম

গন্ড ট্র্যাফোর্ড, ৩০ সেপ্টেম্বর (হি.স.): প্রিমিয়ার লিগে টানা দ্বিতীয় ম্যাচে জয়ের স্বাদ পেলে টটেনহ্যাম। রবিবার রাতে গন্ড ট্র্যাফোর্ডে ১০ জনের ইউনাইটেডকে তারা হারিয়ে দিল ৩-০ গোলে। প্রতিপক্ষের জেমস ম্যাডিসনকে ফাউল করে সরাসরি লাল কার্ড দেখেন ইউনাইটেডের অধিনায়ক ব্রুনো ফের্নান্দেস। ব্রেনান জনসন টটেনহ্যামকে এগিয়ে দেওয়ার পর ব্যবধান বাড়ান দেইয়ান কুলুসেভস্কি। এরপর তৃতীয় গোলটি করেন ডমিনিক সোলান্সি। ছয় রাউন্ড শেষে তিন জয় ও এক ড্রয়ে ১০ পয়েন্ট নিয়ে অষ্টম স্থানে উঠেছে টটেনহ্যাম। তৃতীয় হারের পর ৭ পয়েন্ট নিয়ে ১২ নম্বরে ইউনাইটেড। আর ১৫ পয়েন্ট নিয়ে শীর্ষে লিভারপুল। সমান ১৪ পয়েন্ট নিয়ে পরের দুটি স্থানে যথাক্রমে ম্যানচেস্টার সিটি ও আর্সেনাল।

কলকাতা, ৩০ সেপ্টেম্বর (হি.স.): আগামী ৩ অক্টোবর থেকে শারজায় শুরু হচ্ছে মহিলাদের টি-টোয়েন্টি বিশ্বকাপ। তার আগে ভারতের মেয়েরা দুবাইয়ে প্রস্তুতি ম্যাচ খেলবে। ওয়েস্ট ইন্ডিজের সঙ্গে। রবিবার দিন রাত্রির ম্যাচে তারা ২০ রানে হারাল ওয়েস্ট ইন্ডিজ মহিলা দলকে। তবে ভারতের মেয়েরা

জিতলেও দলের ব্যাটিং বিভাগ চিন্তায় রাখছে ভারতকে। অধিনায়ক নিজেই ব্যাট হাতে ব্যর্থ। জেমাইমা রব্রিগেস ৪০ বলে ৫২ রান না করলে ভারতের জেতাই হতো না। যন্তিকা ২৪ রানে আউট হন। ২০ ওভারে ৮ উইকেটে ১৪১ তোলে ভারত। ওয়েস্ট ইন্ডিজ ব্যাট করতে নেমে বিশেষ সুবিধা করতে পারেনি।

ওরুতে ভারতের মতো তিনটি উইকেট হারায় তারা। সেখান থেকে দলকে টেনে নিয়ে যান শেইন ক্যাম্পবেল (২০) এবং চিনেল হেনরি (অপরাজিত ৫৯)। শেষ পর্যন্ত ব্যাটারদের ব্যর্থতায় ওয়েস্ট ইন্ডিজ জিতে পারে নি। ভারতের হয়ে তিনটি উইকেট নেন পূজা বস্কর। দুটি উইকেট দীপ্তির।

টি — ২০ বিশ্বকাপের আগে প্রস্তুতি ম্যাচে জয় পেলে ভারতের মেয়েরা

## টিসিএ-র অনূর্ধ্ব ১৬ বালকদের শিবিরে নতুন ১১ জনকে ডাকা হলো

ক্রীড়া প্রতিনিধি, আগরতলা। অনূর্ধ্ব ১৬ বালকদের দ্বিতীয় পর্যায়ের অনুশীলন শিবিরে আরও ১১ জন ক্রিকেটারকে নতুন করে ডাকা হয়েছে। তাদেরকে শিবিরে সংযুক্ত করে নেওয়ার কথা এক বিবৃতিতে

টিসিএ-র পক্ষ থেকে সচিব সুরত দে জানিয়েছেন। শিবিরে নতুনভাবে ডাক পাওয়া ক্রিকেটাররা হলো : সুশোভন চক্রবর্তী, রাজদীপ সাহা, জয় অধিকারী, আয়ুষ সরকার, আয়ুষ্মান সেন, কিয়ান সরকার, জয়ন্ত বিশ্বাস,

তুহিন দেবনাথ, আরিফ রহমান ঈশান, রাজদীপ সিংহ ও পাপন আচার্য। ক্রিকেটারদের দুই অক্টোবর সকাল পৌনে আটটায় এমবিবি স্টেডিয়ামে সাপোর্ট পাসেনিয়ারদের কাছে রিপোর্ট করতে বলা হয়েছে।

সৃষ্টির প্রেরণায় নতুন প্রতিশ্রুতি  
**উন্নত মুদ্রণ**  
সাদা, কালো, রঙিন  
নতুন ধারায়

**রেণুবো প্রিন্টিং ওয়ার্কস**

জাগরণ ভবন, (লক্ষ্মীনারায়ণ মন্দির সংলগ্ন), এন এল বাড়ি লেইন  
প্রভুবাড়ী, বনমালীপুর, আগরতলা, ত্রিপুরা পশ্চিম - ৭৯৯০০১  
মোবাইল :- ৯৪৩৬১২৩৭২০  
ই-মেল :- [rainbowprintingworks@gmail.com](mailto:rainbowprintingworks@gmail.com)

